

KIVGAQTUGAUYUNIT AGIQATIRIIGUT – ALRUYAQTUUTINUT NAUNAIYAUTIT

IMAINMAT QEC-kut hanaqikmata atuqtitivlutiklu alruyaqtutikhanik nanminiqaqhutiklu Tunuiqhaijutinik Atuqtitivlutik kivaqtuqhutik nunami Kivgaqtugauyut Piquitqaqviit iniaqqviani;

IMAINMALU Kivgaqtugauyuq nanminiqaqmat aulapkaqtitikpaluniit aulapkaqtitiniqaqaluniit Kivgaqtugauyut Pikutainik atuqhimaqtuukhanik alruyaqtuutinut aulajutikhanik;

IMAINMALU Kivgaqtugauyuq ilaurikpat ilauriumakpaluniit Kivgaqtugauyup Piquitainik QEC-kut Tuniuqhaijutinut Atuqtainik QEC-kulu ilaliutikmata agiqhimakmataluniit ilaliutiyaamikni Kivgaqtugauyup Pikutainik QEC-kut Tuniuqhaijutainik Atuqtumik atuliriaganilu Alruyaqtuutinut Naunaiyautinik havaamut;

IMAINMALU QEC-kut ihivriuhihimaliqmata agiqhugilu Kivgaqtugauyup tuukhiqtutait ilaliutiyaamikni ilagilu hanayakhat tuniyauhimagiyuut QEC-kunut;

IMAINMALU QEC-kut agiqhimakmata atuqtitiyaamikni, Kivgaqtugauyuqlu agiqhimakmat aturiamini, ilauliriagani Alruyaqtuutinut Naunaiyautinik havaami.

TAJA TAIMAINIGAGUUT ihumagivlugit havaariyauhimaliqtut, tamainilu uqariirutait, agiqatiriigutait, piqariaqaqngit qanurinhailu talvani uqautauyuut, ilauyut, maliruaqariamikni, talvuuna agiqatiriiktut ukuniga:

1. Kagiqhijutit

Pijutauyunik uvani agiqatiriigutimi:

Agiqtauhimagiyut Kivgaqtugauyut Piquitait: tukiqaqtuq piqutinik piqaqtunik CSA-kunit ilitaqhijutimik nakuunigagut

Kivgaqtugauyuq: tukiqaqtuq kinaliqaa inuk, ikayuqtiriit, kuapariisiuyuq, kitululiqaa aalat timiuyuq, inuknit nanminigiyauyuqluniit, pihimayuq tuniuqhaijutinut ikayuutinik kivgaqtugat tunihiyauviini kivgaqtugaukpalu naunaipkutaini QEC-kut nanminik alruyaqtuutinut atuqtamiknik. Atulaaqniqat, atautimik ihumagiyauniga amigaitunut pijutauyuq.

Kivgaqtugauyut Piquitait: ilaqaqtuq hunanikliqaa tamainiklu kivgaqtugauyup alruyaqtuutinut piqutainik iniaqqtunik inikhami iniliugainiluniit kivgaqtugauyup hanaqiviani alruyaqtutikhanik aulajutinikluniit ukunigalu, ukuaginaugitut, hiqiniqmit hakugiqhijutit, igniqutinik mikiyunik, naunaiyautinik, ikitijutinik, ilikuuqtitijutinut manirijutinuluniit ihuaqtunik, ahiagurutinik, ihuiniginut iliturijutit alruyalu.

Kipiyauniga: tukiqaqtuq kipiyauniganik, qaminiganik ilikuuqtitiniqmikluniit Kivgaqtugauyup Piquitainik QEC-kut Tuniuqhaijuhianik Atuqtumit.

Tuniuqhaijuhianik Atuqtuq: tukiqaqtuq atutakhamik tuniuqhaiyaagani alruyaqtutikhanik, napaktigauyuniklu, piqutinik, iglugiyauyunik ahiinikluniit hunanikliqaa atutauyunik ukunani. Tuniuqhaijutinut Atuqtuq ilaqaqtuq atuqtauluaqtumik tuniuqhaijutaalaaqat alruyaqtutikhanik amihunik kivgaqtugauyunut ilaliutiniginulu pitkutit atuqtauyut ilaliutiyaagani Kivgaqtugauyuq Tunuiqhaijutiluamut Atuqtumi.

Ilaulaaqtuq Kivgaqtugakhaq: tukiqaqtuq Kivgaqtugauyuq alruyaqtutikhaliuqtuq anuriinaqmit, kuukamit, nauhimayunit agiyunit ihuaqtunik ilaliutinigiluniit atuqaaqtut hivuni Kivgaqtuiyip atuqtakhainik;

Alruyaqtuutinut Naunaiyaut: tukiqaqtuq havauhiq naunaiyariagani aalaganigut ukua alruyaqtuutit atuqtitait Kivgaqtugauyuq Piquitainit utuqtitauyulu QEC-kut Tuniuqhaijutainik Atuqtunut. Alruyaqtuutinut Naunaiyaut nalunairutauyuq qanuraaluq alruyaqtuutinik atuqniganik Kivgaqtugauyup unalu qanuraaluq alruyaqtuutinut ihuaqutitilugait Kivgaqtugauyup kiguani “alruyaqtuutauyuq” tamaat Kivgaqtugauyup akiligakhaanik naunaiyaqngani. Avatqujutauyuq alruyaqtuutinut nuutaulaaqtut hivumi aulanigani ukiup nuguniganut (March 31-

mut) aulaniqmi ukiumi akikhivaaliriagani hivunikhami alruyaqtuutitut akiligakhat. Ihulinigani 12 tatqiqhiutit, amiakuuyut Kivgaqtugaap maniliqijuhiini mikliqtauyut hunaqaruiqhuni.

Aalat Maligiqaqut Makpiraat: tukiqaqtuq aturiaqaqtut ukiuqaqtumi kanatamilu maliruagakhani pivikhaqaqnigut, pitquhiit, maliruakhat, iniqhimayut tuukhiutitut titiraakhat, ilagiyait agiqatiriigutit, havaaritquyayuyut QEC-kunit Kavamanit Nunavumi aktuqniqaqtut qanuq QEC-kut aulaniganik, ihuaqutiluqniqinik, tuniuqhahijuhianik alruyaqtuutikhanik havaqatiriiknigilu kivgaqtuqtatik pijutiqaqtuatuniki ila atuliqnigagut Alruyaqtuutitut Naunaiyautinik havaaq unalu, unainaugituq, pivikhaqaqniguninik *QEC-kut Maligayyuagani*, *Aulajutit Akituniginik Ihivriuqniqagut Maligayyuami* kituliliqaa maliruagakhat hanayaahimayut talvuuna, QEC-kut Nutauniqhanik Ilaliutiniginut Aturiaqaqtainik, QEC-kut Alruyalijuhiiinik Maliruakhat, QEC-kulu Piqariaqaqniginik Qanuritariaqaqniginiklu Ikayuutait (ukua makpiraat nutaaguqtiqtaulaamata qaguguraikpat).

Ilauyut: tukiqaqtuq QEC-kut Kivgaqtugayuyulu Kivgaqtugayuluniit, amigaitqiyaukpata atautimit.

QEC-kut: tukiqaqtuq Qulliq Alruyaqtuutiliqiyit Kuapariisiuyuuq himautaaluniit.

URRC-kut: tukiqaqtuq Aulajutit Akituniginik Ihivriuqhiyit Katimayit (himaataaluniit), timiuyuuq havaaqaqtuq agiqtauniganik aulajutinut akituniginik Nunavumi.

2. Pijutauniga

Pijutauluaqtuq uumiga agiqatiriigunmik pilaaliriagani Ilaulaaqtut QEC-kunit Kivgaqtugayuyuuq aulapkariagani munarilugilu Kivgatugaat Piqtainik hanayaagani atuinaqtuukhanik alruyaqtuutikhanik ilauliriaganilu QEC-kut Tuniuqhagainut Atuqtainik, tuklianiitunik, aaniqnaitumi ihumaluknaitumiklu. Ilaalu, kivgaqtugamut ilaliutiniga aaniqnaitaaganu ihuilijutaugitaaganilu ihumaluknainigut aaniqnainiganiklu QEC-kut alruyaqtuutitut ihuaqutiluqagait Tuniuqhagainulu Atuqtumik, aanigitaaganu QEC-kuni havaktut, aalalu kivgaqtugayuyut ilauyuluniit kituniliqaa inuknit.

3. Atuquyauqitut Niuvrutigiyaaganu Alruyaqtuutikhaq

Atugitaaganu naunaqniga, una agiqatiriigut ihumagiyaulaituq pipkaijutauniganik Kivgaqtuqtauyumit niuvrutigiyaaganu pipkailuniluniit niuvigayuaaganu alruyaqtuutit, ikayuutit, ihuaqutiluniit pihimayut QEC-kunit alruyaqtuutikhaluniit hanayait Kivgaqtugaap.

4. Atuqniga

Una agiqatiriigut QEC-kulu Alruyaqtuutitut Naunaiyautainik havaaq aturiaqaqniaqtaa mikiyut atuqhimaalaqtut tamaini taimaiginaqniga (atia) hanayaunigut qulinik kiluwaanik (kW) hakugikniqaqtumik mikitqiyaanikluniit.

5. Ayuginigut Katraaqariami

Uvani Kivgaqtugayuyuuq inuuginiqat, ilauniqaa uvani agiqatiriigunmi, pijutayuyuuq piqijutaavlunilu QEC-kut nahuriniaqtut kivgaqtuqtikhanik himautayukhaluniit ilikuuqtunit ilituqhagaugitilutu ila:

- (a) Ilitariyautiaqhimakpat, havitaukpat naunaiqtauqpaluniit maligaini Nunavumi kanatamiluniit maligaini atulaaqniqata talvani;
- (b) Pihimakmat hakugiknikhanik, ataniqtuijutikhanik ayuruirutiniklu ilauliriagani uvani agiqatiriigunmi havaariyaaganilu havaariyakhait uqautayuyuuq uvani;
- (c) Una agiqatiriigut pijutayuyuuq maligani, aturiaqaqtunik, atuqtitijutaulaaqtuniklu havaakhanainik tamaknit ilauyuknit; unalu
- (d) Kinaliqaa inuk sainiqhiyuuq uumiga agiqatiriigunmik kivgaqtuqlugu agiqtauhimaniqat sainiqhilaaqniqanik umiga agiqatiriigunmik hakugiqniqaqhunilu ataniqtuijutimiklu atuqtitipkaiyaaganu timiuyumik.

6. Ilaulaaqnit

Ilauyaagani uumani agiqatiriigunmi QEC-kulu, ilaayumayuq Kivgaqtugaayuq iniqhiyariaqaqtuq ihuaqtumik uuktutaayumik makpiraamik hivuliqmik QEC-kut atuqtakhaanik ihivriuqhiyaagani ilaulaaqnit. QEC-kut ilaayariaqaqtut uvani agiqatiriigunmi pijutigiyaaqut Kivgaqtugaayuup iniqniganik aturiaqaqtumik makpiraamik. QEC-kut ihumamiknik qigilaaqtut ilaliutiyaamikni kvigaqtugaamut ila Tuniuqhaijutainut Atuqtumik pijutiqatiarumik.

7. Nalaumaniganik Hivuniqhijutikhat

Kivgaqtugaayuq nalaumaniriyuq hivuniqhijutikhanik uuktutaayumi makpiraami iniqtainik Kivgaqtugaayuup itqumaniginik ihuaqnitkaniklu QEC-kulu atulaaqtainik hivuniqhijutikhanik naunaiyauqauqilutik.

8. Iliuraqnit Kivgaqtugaayuup Pitqutait

Kivgaqtugaayuq ihuaqhainiaquq, iliurailuni, ilituqhaqlugit, aulapkaqlugit, munarilugit, nutaaguqtiriaqnitkaniklu Kivgaqtugaayuup Pitqutait nanminik maniliqinikut aktuniginut ihumaluknaqnitkanulu. Kivgaqtugaayuup Pitqutait iliralaqaqtut atuqlugit Nutauniqhat Ilaliutijutinut Aturiaqaqtut makpiraamik Apluriarutiniklu iliurajutinut maliruakhanik pipkagaitnik QEC-kut. Maliruqnit ukua maliruakhat qanuqliqaa ihumagiyaulimagitut aturiaqnitkanik QEC-kunit ilaliutiyaagani kivgaqtugaayuq QEC-kut Tuniuqhaijutainik Atuqtumi. QEC-kut pigitut agilimagitulu pijutaayunik ahiruijutinik Kivgaqtugat Pitqutainut qanurikaluaqniqat Kivgaqtugaayuqluniit maliruqniqat ilaliutijutinik havauhikulu maliruakhainik ilairuigumik maliguakhainik atuqata QEC-kut pipkagaitnik.

9. Atuquyayut Kivgaqtuganit Pitqutit

Kivgaqtugaayuq iliurailuaqniaquq atuqlutikluniit Agiqtauhimayunik Kivgagaayunit Pitqutinik, aulpakaqlugit, munarilugit, nutaaguqtiqluluniit Kivgaqtugaayuup Pitqutainik atuqlugit tamaita aturiaqaqtut ukiuqtaqtumi kanatamilu maligayut qanuritariaqnitkanulu, naunaitut QEC-kut ilaliutijutinut aturiaqaqtut ikayutaayaruaqaqtulu aturiaqaqtut, piqaqniqat.

10. Piyunautit Laisiuyulu

Kivgaktauyuuq piniaquq, inminik akiliqtuqlugu, hunanikliqaa tamainiklu agirutaayunik, piyunautinik, laisiuyuniklu aturiaqaqtunik hanayauniginik iliuraqnitkanikluniit Kivgaqtugaayuup Pitqutainik.

11. Ihivriuqnit Kivgaqtugaayuup Pitqutait

Tuukhiriaqtinatit ilaliutijutikhamik QEC-kut Tuniuqhaijutinut Atuqtumik, kivgaqtugaayuq haavitiniaquq makpiraamik ihumaluguiyagani QEC-kut ilitariyauniginik Kivgaqtugaayuup Pitqutainik ihivriuqtauniginik ihuaqtunit ataniqtuiyunit piqaqnitkaniklu tamainik aturiaqaqtunik kanatami, ukiuqtaqtumi, nunaliknilu hanayauniginik, aulapkaqnitkanik munariniginiklu ilagiyait aniriipkutit qanurinigut aturiaqaqtulu.

12. Naunaiyaqtauyuuq tapkunanga QEC-kut

Qulliq Ikumaligiyyit Kuapurisan (QEC) naunaiyalaqmiyyat tapkuat Kivgaqtugat Hanalgutai naamakhiyangi inmingnut hivuganaqtuittanga pipkagauninut ahiguqhimayut pikaphuktauhimaniluniit quyagitnaq hivuganaitninut nakuunilu tapkuat Qulliq Ikumaligiyyit Kuapurisankut (QEC-kut) Atuqtaupkaqnit Havagutit, Qulliq Ikumaligiyyit Kuapurisan (QEC) havaktit ilaayutluniit inungnut. Naunaiyaqhgutit tapkuat Kivgaqtugaqnut Hanalgutit, Qulliq Ikumaligiyyit Kuapurisan (QEC) piqpiqaqnitganitai tahapkuat Kivgaqtugutit Hanalgutit nakuuyangi piplugit iliuqagaunit pinahualaitailu kitutliqak qanugilityutauni havagiyaqnitkaniluniit kitutliqak nakungitnit ahiguqhimaniluniit tapkuat Kivgaqtugat Hanalgutai.

13. Aalaguqnitkanik Kivgaqtugaayuup Pitqutait

QEC-kut qaguguriakpat piqiniaqtuq kivgaqtugaayumit aalaguqtiriyaagani Kivgaqtugaayuup Pitqutainik. Kivgaqtugaayuq pivikhaqaqtitinaquq atuinalaliriagani taimaitut aalaguqtirijutit ihuaqtumik pinariqpaklutiklu. Kivgaqtugaayuq munariniaqaa akituniganik hunaliqaa tamaitalu aturiaqaqtut aalaguqtirijutit, ukualu

aalaguqtirijutit tuukhiqtait QEC-kut. Aalaguqnigit Kivgaqtugauyut Piqutainik aturiaqaqniarunaqhiyulu ihuaqhiyaagani ihuiniga munariyaaganiluniit QEC-kut Tuniuqhaijutinut Atuqtaat.

14. Aalat Aturiaqaqtut Makpiraat

Ilagilugit uuma agiqatiriigutip, Kivgaqtugauyuq aturiaqaqniaqtuq ahiinik Aturiaqaqtunik Makpiraanik uqautauyunik Nakatani 1 quliuyuni (ajikutait ilaginik ukua makpiraat qahakhiyariiqtut tuukhigaukpata QEC-kulu qungialiugaini qaritauyami).

15. Himautikhat Ahiruqtuqaqat

Kivgaqtugauyuq maniiyaqniaquq QEC-kunut Kivgaqtugauyuup Piqutait ahiruqata kivgaqtugauyuqluniit aulapkaikpat Kivgaqtugauyuup Piqutainik ihuitumik ahiruutauyumik ahijutaukpaluniit QEC-kut tuniuqhaijutinut atuqtainik piqutainikluniit.

16. Kipiyaunigit Kivgaqtugauyuup Piqutait

QEC-kut ihumakpata Kivgaqtugauyuup Piqutait ahiruutaukpata, ahirutiniaqataluniit ukuniga ihuilijutaunahuquqaluniit qanuqliqaa aanigitaagani ihuaqngilu QEC-kut Tuniuqhaijutinut Atuqtainik, QEC-kuni havaktut ilauyuluniit inuknit, QEC-kut tajainaq uqariigikaluaqlutiklu iliquulititinaquut Kipiluguluniit Kivgaqtugauyuup Piqutait. Kivgaqtugauyuq havaqatiqatiaqniaquq QEC-kuni havaktunik kivgaqtuqtiinikluniit Kipiyaagani Kivgaqtugauyuup Piqutait talvuuna aturiaqaqijutiginiaqaa QEC-kut maniiyautinit ahiruutinit pijutauyunik talvanga ahianiluniit kipihijutauyumit.

17. Aalat Pigiarutit Kipihijutini

Ikiklitirutaugilutit Kivgaqtugauyuup hunaliqaa havaakhait aturiagani aalat maligakhat uvani agiqatiriigunmi Ahilu Aturiaqaqtut Makpiraat, QEC-kut Kipihilaqtut Kivgaqtugauyut Piqutainik, atuhimaitumik hunanikliqaa maniiyautinik, ahiinut pijutinit ukunigalu, ukuaginaugitulu, munarijautiagijutinit Kivgaqtugauyuup Piqutainik inuulu ihumagiyainit, ila, ihuaqhiyaagani ihumaluutait aalat kivgaqtugauyut hakugikniginik namainaqnigan alruyaqtuutit.

18. Kipihijutit Upaluqnaqtuqaqat

QEC-kut kipihilaqtut Kivgaqtugauyumik upaluqnaqtuqaqat aanirutauniaqniqat aanirutaukpaluniit QEC-kut Tuniuqhaijutinut Atuqtainik, QEC-kuni havaktut, ilauyut inuknit, hatqiqata munariyaaganiluniit Tuniuqhaijutinut Atuqtumik. Qanuriniga atulaaqat, QEC-kut qauyipkainiaqut kivgaqtugauyumik kipiyauginagu. QEC-kut maniiyautiqalimagituut qanuqliqaa ahiruutauyunik Kivgaqtugauyuup naglikhaarutigiyaanik tafumanga ahianiluniit kipihijutauyumit.

Kipihiyuqaqniqat, Kivgaqtugauyuup Piqutait aulaniaqut iliguuqlutik kipiyauhimalutikluniit QEC-kut Tuniuqhaijutinut Atuqtainit. QEC-kut ilaliutifaaqniaqut, pipkailutikluniit ilaliutijutikhamik namatialiqat upaluqnaqtuqaruqat tamaitalu aalat aturiaqaqtut uvani agiqatiriigunmi pihimaliqata.

19. Kipiyauniga Kivgaqtugauyumit

Ihuaqat, Kivgaqtugauyuq qauyipkainiaquq QEC-kunik hivuani iligulirutit kipihijutivluniit Kivgaqtugauyuup Piqutainik QEC-kut Tuniuqhaijutinut Atuqtainit. Kipihijut taimaginaqniaqat, kivgaqtugauyuq akiliqhinaquq QEC-kunut tamainik ihuaqtunik akiligakhanik ukunigalu, ukuaginaugitulu, akituniga ahivariagani kituliqaa QEC-kut piqutainik Kivgaqtugauyuup inikhaqaqtiviinut, ilagilaaqtainik talvuuna kipihijutinut Kivgaqtugauyuup Piqutainik.

20. Ilaliutifaaqnginik Kivgaqtugauyuup Piqutainik

Kipihijutauyuq Kivgaqtugauyuup Piqutainik pijutaukpat Kivgaqtugap ihuinarutaanit, QEC-kut ilaliugifaatiniaqat, pipkariaganiluniit ilaliutifaaqngiga, Kivgaqtutauyuup Piqutainik Tuniuqhaijutinut Atuqtunik QEC-kut naamaguhukpata pijutauyuq una kipihijutinut piqaruqniqanik QEC-kulu naamaguhukpata Kivgaqtugauyuq atuhimaniqaaq tamainik apluriagutikhanik aturiaqaqtunik atugitaagani qanuriliginut pijutauyut kipihijutauyumik

atuuqigitaagani. Ilagilugu, Kivgaqtugauyuq akiliqhiniaquq tamainik URRC-kut agiqtainik ilaliutifaariagani akituniginik akaligakhaguuqtut QEC-kunit atulaaqniqat.

21. Aulajutauniganut Hakugiqniganik Alruyaqtuutauyuq

Kivgaqtuutaayumut aulajutinut hakugikniganik alruyaqtuutut atulaaqniqat atuiqaqtunik ikayutaayunik hakugiknigagut alruyaqtuutit ajikutariniaqailu taja alruyaqtuutit atuqtitaayut Kivgaqtugauyumit. Tamaita ilaayuq atuqhimaginaqtukhaq alruyaqtuutit hagaugikniganik Kivgaqtuutaayuup Piquitainit alruyaqtuutit hakugikhivaalirutaugijavut tukliani ikayutaayumi ilagautauyumit avatqugitaagani 1%-guyuq aulanigagut hakugikniga alruyaqtuutit. Piyariaqaqat, Kivgaqtugauyuq ahiaguuqtitiniaquq himiqluguluniit ikayutaayuup hakuiqpaaliqniga alruyaqtuutit.

22. Ihulivikhait Atuqhimaginaqtukhat Alruyaqtuutikhat

Pivagiagani alruyaqtuutinut hakugikniginut ihulivikhait atuni nunagiyaayuni munariyaaganiluniit QEC-kut Tuniuqhajutinut Atuqtainik, QEC-kut atuqtitipkainiaquq ihulivikhanik qanuraaluk atuqhimaginaqtumik alguyaqtuutinik aulajutinikluniit Kivgaqtugauyuup hanayainik.

23. Qahakniginik Kivgaqtugauyuup Inigipkaqtait

Kivgaqtugauyuq pipkainiaquq inigipkaqtainik ihumaluknaitaagani taimaiginaqluni. Kivgaqtugauyuq atuqtitiniaquq, nunalu inikhaqaqviuyut humiinigit nanminigiyaugitpata Kivgaqtugauyumit, pipkainiaqut nunanik nanminiaqatut pipkaiyaagani, QEC-kuni havaktunik kivgaqtuqtuiyunikluniit itiriagani inigiyaayunik Kivgaqtugauyuup Piquitainik iniaqaqviuyunik pinariqtitilutik. Itiriaqniga pijutauniaquq ihivriuhiniaqata, kipihihiaqata naunaiyainiaqataluniit Kivgaqtugauyuup Piquitainik piyariaqaliraagat atuiqaqniga aaniqtaitaagani naamaktumiklu aulaniqatiariagani Kivgaqtugauyuup Piquitait, nalaumanigit naunaiyautit, iniqhiyaagani havakvik munarinigagut, havagiamiluniit.

24. Itiqviuniga QEC-kut Igluqaqviinik

Kivgaqtugauyuq itiriarutikhaanik tuniyaukpat QEC-kut igluqaqviinik, Kivgaqtugauyuq ahiruiniqat QEC-kut iglugiyainik, piquitainik Tuniuqhajutinuluniit Atuqtumik, Kivgaqtugauyuq akiliqhiniaquq QEC-kunit naamaktunik akituniginik ihuaqhariaagani igluut igluutluniit ihuaqhilaiqata, himauihluqut taimaitut igluut.

25. Himautinut Akiligakhat

QEC-kut akiliqhilimaitut Kivgaqtugauyumut alruyaqtuutinik Kivgaqtugauyuup hanayainik kihiani ilihiniaquq himautaulaaqtunik Kivgaqtugauyuup maniliqijutainut atuqlugit akituniga Kivgaqtugauyuup hanayainik havaklutiklu amiakuanik akiligakhanut naunaiyautinik atuqlugit QEC-kut Alruyaqtuutinut Naunaiyautinik havaami.

26. Akiliqtuqnit Iniriiqtut Akiligakhat

Ihumagigilugu Kivgaqtugauyuup tamaita atuqnit alruyaqtuutinik akiligakham hivitunigani hunaqagitpat himautaulaaluniit, QEC-kut akiliqhipkainiaquq Kivgaqtugauyuq akiliqhiyariaqaqniqat iniriiqhimayumik tatqiqhiut naatkatat akiligakhamik tuniuqhajutinut ikayuutaayumut akiligakhamik hunanikluliqaa akiligakhanik agiqtauhimayunik URRC-kunit pijutiqaqtunik alruyaqtuutinut atuqnitinik atuqat Alruyaqtuutinut Naunaiyautinut havaaq Aalalu Aturiaqaqtut Makpiraat.

27. Ilaliutijutinut Akitunigit

Kivgaqtugauyuq akiliqhiniaquq akituniganik hunaliqaa ihuaqhajutinik nutaaguqtirijutiniklu Tuniuqhajutinut Atuqtumik aturiaqaqat uumanga aturiaqaqaluniit ilaliutiyaagani atuliriaganilu Kivgaqtugauyuup Piquitait ilagilugit akitunigit pijutiqaqtut naunaiyautinut. QEC-kut pipkainiaqut Kivgaqtugauyumit nalautaarutinik ukua akituniginik, piquaqat, sainiqhitinagu uumiga agiqatiriigunik.

28. Akiligakhat Atuqnigagulu

Tamna Kivgaqtugaq akiliqhiyalik, piyaqaqat, kitunikliqak hivunikhamiluniit akiliqtakhanik akiliqtugutitlu ilautitlugit tahapkuat akiliqtaulat piplugu atatyutai tapkununga Kivgaqtugat AHanalgutit tapkununga Qulliq Ikumaligiit Kuapurisankut (QEC-kut) Atuqtaupkaqinut Havagutit tahapkuatluniit akiliqtugat pipkagauhimagut piplugit piqatauniqnut tapkununga Kivgaqtugat tapkunani Katitlugit Kititityutit havagutit.

29. Akiligakhat Ihuinigit

Kivgaqtugauyuq akyaqniaquq akilihakhat ihuiniqata QEC-kut ihuaqhaqnariktakhainik kihiani hunauliqat kiguvagilugu 90 ubluut ubluaniit piyauniganit akiligakhaq. QEC-kut Kivgaqtugauyuqlu atuqniaqut ihuaqnikhanik ihuaqhiyaagnai akiligakhanut ihumagiyauyut.

30. Qulaqnaiyautit

Atunigani uuma agiqatiriigutit, Kivgaqtugauyuq pihimaniaquq hunanuliqaa maniiyautinut qulaqnaiyautinik pigahuanit ilauyunit timiuyumi anirutaunigani, nanminik anirutauyumi, igluniklu ahiruuqnginut akituniganik 1-miliataalamik. Atuliqtinagu una agiqatiriigut, Kivgaqtugauyuq pipkainiaquq QEC-kunik atuqtumik ilitaqhijutimik qulaqnaiyautinut. Kivgaqtugauyuq pipkainiaquq QEC-kunik qilamik qauiyikautimik aturuiqniganik Kivgaqtugauyuup qulaqnaiyautinik akiliqtuiyikhamit.

31. Akiliqhijutikhat

Kivgaqtugauyuq akiliqhinaquq QEC-kulu qanuriliuqtaugitaagani tuukhiqtuqaqniqat apiqhuyuti-guuqtitiniqataluniit QEC-kunik hatqitunik pijutiqaqtunikluniit Kivgaqtugauyuup aulapkainiganik Kivgaqtugauyuup Piqutainik kivgaqtugauyuqlu aulapkainiqat ihuilijutauyumik ukuniga ihuiniqaluniit QEC-kut aalanik kivgaqtugainik.

32. Aturiaqniga Agiqatiriigutit

Kivgaqtugauyuq aturuiqtitilaagtut uumiga agiqatiriigutauyumik ihumaminik pipkailuni QEC-kunik 90-ni ubluni titirariaqtinagu qauiyikajut. Aturuiqniga uuma agiqatiriigutit qanuriliniqalugiaq aktuqniqalimagitug maniiyautinik kitumiliqaa ilauyunit pihimayunik hatqiqhimayunikluniit ilaganit uuma agiqatiriigutit hivuani aturuiqniganit ihuilijutaulimagituglu ihumaqhutainik aturuiqtitiyuup ilauyup ukturiagani tamaita aalat maligatigut ajikutainiklu ihuaqhautit qahaktut unalu, unainaigituugaluaq, nuutqaqtijutinut ipirainiqmik.

Aturuiqt una agiqatiriigut, Kivgaqtugauyuq kipihinaquq Kivgaqtugauyuup Piqutainik QEC-ku Tuniuqhajutinut Atutumit pinariqlugit QEC-kulu naamaginiqagu.

33. Agiptirijutinut

Agiqatiriigutauyuq aturuiqat Kivgaqtugauyuuplu Piqutait kipiyauniqata, ilauyut pilaaqtait agiptiqhimayut ahivaqlugilu piqutigiyatik pijutiqaqtunik kipiyauniganut. Ilauyut piniaqut, taimainigagut, atuni tamaini atiriaqaqniqata pipkaklugit aalat inigiyaunut tamaini ihuaqniqat pivikhaqaqniqani.

34. Aturuiqniganik Alruyaqtuutinut Maniliqijutit

Kivgaqtugauyuq aturuiqtitiniqat alruyaqtuutinut maniliqijunmik QEC-kuni inigiyauni ukua Kivgaqtugauyuup Piqutainik inigiyaunik, una agiqatiriigut aturuiqtaugiaqniaquq ubluani QEC-kut tunihijutaani kiguliqmik akiligakhamik maniliqijutimi. Kivgaqtugauyuq akmaikpat nutaamik alruyaqtuutinut maniliqijutimik QEC-kuni

ahianik igluqaqviuyumik, QEC-kut nuuniaqaat amiakuriyauyut nugutaugitut atuqlugu Alruyaqtuutininut Naunaiyautimik havaami aipaanut alruyaqtuutininut maniliqijutimut tunihitaaqhimaliqata kiguliqmik akiligakhamik.

35. Kivgaqtugauyuup Piqutainik Maniliqijutit Piyauniginik

QEC-kut aturuiqhimagitpagu Alruyaqtuutininut Naunaiyautit havaaq nutaaqlut nanminiaqtuq inukhaa iglugiyauyumi Kivgaqtugauyuup Piqutiqaqviani ilaayumakpat uumani Ilaulaaqniqalu QEC-kut Alruyaqtuutininut Naunaiyautimik havaami, QEC-kut ilaulaaqtut agiqatiriigunmi ajikutaanik uuma nutaaq nanminiaqtuq inugiyakhaluniit hivuani ubluata QEC-kut tunihitinagit kituliqmik akiligakhamik maniliqijutini, Kivgaqtugauyuup Piqutait kipiyauryariaqagitut QEC-kut Tuniuqhaijutininut Atuqtumik aturuiqniganit uuma agiqatiriigutip.

36. Aturuiqniga Agiqatiriigutip QEC-kunit

Ihumagigitkaluaqlugit aalat pivikhaqaqngit uvani agiqatiriigunmi kipiyauniginut, QEC-kut pilaaqtut, 90-ni ubluni hivuani titiqaqhimayumik itqaijunmik, Kipihiniaqut Kivgaqtugauyuup Piqutainik ihumamiknik ila:

- (a) QEC-kut aturuiqata Alruyaqtuutininut Naunaiyautimik havaamik;
- (b) Kivgaqtugauyuup ihuinarutiqaqat hanayakhanik piqaqnikhaanik qanuriniikhaanikluniit uvani agiqatiriigunmi ihuaqhaigitpalu ihuilijunmik 30 ubluut iluani piyauniganit titiraqhimayuup itqaijutip QEC-kunit ihuinaarutaayukut.

37. Aturuiqnigagut

Kivgaqtugauyuup pilimagituq, una agiqatiriigut aturuiqniqat qanurilinigaguliqaa, ilauyaamini QEC-kut Alruyaqtuutininut Naunaiyautimik havaami 12-ni tatqiqhiutini kiguanit aturuiqnianit kihiani Kivgaqtugauyuup, aturuiqnigani, qauiyikainiqat QEC-kunik titiraqlugu hivunikhani ubluani, naamagiyaayumik tamaknit ilaayuknit, Kivgaqtugauyuup utiqvikhaanik ilauyaagani QEC-kut Alruyaqtuutininut Naunaiyautimik Havaami.

38. Atulaaqtuq Maligaaq

Una agiqatiriigut ihumagiyaulimagituq atuqtitaulunilu atuqlugit ukua, ihumaqhuutailu ilaayut ataniqtugauniaqut, maliganit Nunavumi maligauyunilu Kanatami atuqniqaqtut talvani.

39. Aturiaqaginiga

Kiguvariaqagitut atuginiqagulu QEC-kut atuqnigani kitumikliqaa ihumaqhuunmik ihuaqhaunmikluniit pihimayumik atuginigagut uuma agiqatiriigutip aulaniqaqniaquq aturiaqaginigagut ilagiyainikluniit ihumaqhuunmik ihuaqhaunmikluniit pihimayumik hivuani ihuinarutaayumik uumani agiqatiriigutaayumi.

40. Akiraqtuutiyut Piqaqnikhait

Ihuilijutiqaqniqat ukunani piqaqnikhaini uuma agiqatiriigutip piqaqnikhainilu ilagiyailuniit Aalat Aturiaqaqtut Makpiraat, una agiqatiriigut ihumagiyauniaquq nutaaguqtiqniganik nalaumaliriagani piqaqnikhainut Aalat Aturiaqaqtut Makpiraat.

41. Hakugikniqhauyuuq

Kituliqaa ilaayuuq ihumagiyaulaituq atuginiganik maniiyautigiluguluniit havaariyautiaginiqat havakhaq uvani agiqatiriigunmi (ahianik akiliqyauyuup) qanuriliuqniqata atuginigalu pijutaukpat qanuriniiganit *Hakugikniqhauyumit*. Qanuriniga *Hakugikniqhauyumit* pilimagituq qanuriniiganiliqaa munarijuhianit aktuqtaayumik ilaayumik pipkaigituq ihuilijutaayuuqluniit atuliqniganik uuma agiqatiriigutip, ukualu ukuaginaugitkaluaqhutik, kikliqagiluni, havaktut havaguiqataqnginik, aguyaktuqaqat, iqhitaaruyuuqaqat, aguyaktuluniit upitpata, nigarutauviit, aqhaqhiijutainik kavamaugitut ikayuqtiriit, inujuhiqui ihuilijutinik, nunap hayuknianik, imaukakyuaqngiganit, ikulaaqngiganit inminikluniit pijutaayumik ihumaaluknaqtumik, atuqtitihuritut, iqhitaariniqat aaniarutiqyuanikluniit.

Ilauyuq pijutiqaqtuq hakugikniqhauniganik qauyipkainiaquq titiqaqluni aalamut ilauyumut piqaliqniganik *hakugikniqhauniganik* pijutauyumik pijutaulaaqtumiluniit atuginiganik kituliqaa havaariyauyariaaqtuq talvani. Qauyijutit ilaqaqniaquq qanuriniganik hulijutip, nahuriyauyuq hivitunikhaagut nahuriyauyulu aktuqnikhait aulanigani uuma agiqatiriigutip.

42. Nutaaguqtiqniga

Nutaaguqtirut uumiga agiqatiriigunmik uqautauyuqluniit, kivgaqtuijuluniit himauhiqtaulaaqniganik piqagitut uvani agiqatiriigunmi aturiaqagitait QEC-kut titiraqtaulraaqtinagit pilaaqtumit inukmit QEC-kuni.

43. Havaariyautquniga

Kivgaqtugauyuq tunihilimagituq ihumaqhuutimik aturiaqaqtaminikluniit ilagani uuma agiqatiriigutip tamaat ilaganiluniit hivuani titirakut agigitkaluaqtilugit QEC-kunit, agirutaa piyaunahaagijavuq kiguvvariagiluniluniit. QEC-kut pihimalaaqtaat agirutigiyaaqtik atulirumayauyumik havaakhamik atulirumayauyuq kihiani havaktitauyumayuq pihimaliqat, titiraqhimaluni, tamainik Kivgaqtugauyuup havaakhainik uqautauyuq uvani agiqatiriigunmi. Kihiani, QEC-kut havaaripkalaqtaat una agiqatiriigut tamaat titiqatigut qauyipkaigumik Kivgaqtugauyumik.

44. Himautauyuq Havaariyauyukhalu

Una agiqatiriigut aturiaqagitaa ukua kiguvariaqlugulu nakurutauyaagani QEC-kunut Kivgaqtugauyumuluniit himautikhailu piyunautikulu havaakhainik.

45. Itqaijutit

Quyipkaijut, piyumayauyuq, agirutauyuq, tuukhiutauyuq ahialuniit tuhaumajutit aturiaqaqtut piquyauyuluniit tuniyauyaagani hanayakhaluniit pijutauyuniluniit uumiga agiqatiriigunmi tuniyauniaquq havaariyauniaquq akyaaqtimit aalamiluniit havaktunik akyaaqtinik, tamalaiyaqhimayunit titiqanit, kayumiktukut qaritauyaquluniit titiqijutinik.

Qauyijutit Kivgaqtuganut turaaqviqaqniaquut uumuga:

(ililugu inigiyat, turaaqviit titiraqaqvikut, qaritauyakut turaaqviit kayumiktugulu nahautit).

Qauyijutit QEC-kunut turaaqviqaqniaquut uumuga:

Qauyijut, tuukhigauyuq, agiruut, tuukhiqtauyuuq aalaluniit tuhaqtijut ihumagiyauniaquq piyariiqhiayauniganik imaa:

- (a) Tuniyaukpat piyaukpaluniit akyaktimit aamiluniit inukmit akyaqtimit, ubluani piyauniganit;
- (b) Tuniyaukpat piyaukpaluniit tamalaiyaqhimayutigut titiraqaqvikut, 14-mi ubluani kiguani ubluata aulaqtitivianit;
- (c) Tuniyaukpat piyaukpaluniit kayumiktukut, ubluani tuyuutauniganit takuukhauyumik tuyuqtuup kayumiktukut aulaqtitijuhigut unupkaami; unalu
- (d) Tunuyaukpat piyaukpaluniit qaritauyakut titiqijutini, ubluani talvuuna qauyijut, piqyauyuq, agiruut, tuukhiut ahialuniit tuhaqtijut titiraqtaukpat tuyuqtuup qaritauyakut tuhaumajutitut atuqtaanik pihimayauliqniganik qaritauyakut tuyuutaukmat.

Ilauyut aalagulaaqtait turaaqtaqviktik turaaqvigiyatiklu akyagauyukhanik tunihilutik qauyijutunik aalaguqnginik tuniyauyuni quuliyuni.

46. Qaritauyakut Tuhaqtijutit

Ilauyut ilitaqhiyut qaritauyakut tuhaqtijutit ihumaluknailimagituq tuhaqtijutikhaq. Ilauyut munariniqaait ihumaluknaqngit atuqngagut qaritauyat tuhaqtitijutigilugit ukualu, kikliqagiluni, qaritauyakut tuhaqtijutit nuutqaqitaulaaqtut tuyuutaulutikluniit piyariaqagikum inukmut, qagiqhiyautiagilutik, ahiulutik, kiguvariaqlutik, piyauqilutikluniit. QEC-kut pilaaqtut atuinariagani qaritauyakut tuhaqtijutit uumanga uumagaaqniqaqtauyumikluniit Kivgaqtugauyumit. Kihiani, QEC-kut pilaaqtut upigilutik qaritauyakut tuhaqtitilutik ukpiruhukumik qaritauyakut tuhaqtijutit aturiaqagikumigaaqniqat, nalaumagitpat naunaitiagitpaluniit. QEC-kut maniiyautiqalimagituut, tuukhigauyunik, ahiuyunit, aihurutauyunit, maniiyautinit akiligakhaniluniit Kivgaqtugauyuup atuqtainik pijutiqaat QEC-kut upijutainit upigitpataluniit kitunuliqaa Kivgaqtugauyuup qaritauyakut tuhaqtijutainik.

47. Atuliqniga Agiqatiriigutip

Kivgaqtugauyuup maniliqivia malrukniq amigaitqiyaniqkuniit atiqaqniqat, tamaita maniliqijutunik tigumiaqtut atuliriaqqaat una agiqatiriigut ilauyaamikni QEC-kut Alruyaqtuutitut Naunaiyautinik havaami.

Kivgaqtugauyuq agiqat ilauyaamini Alruyaqtuutitut naunaiyautinik havaami atuqtitauyuuq QEC-kunit talvani _____ (ublu) ubluani _____ (tatqiqhiumi) _____ (ukiumi) naamagilugilu piqaqngit qanurinigilu uqautauyuut quuliyuni.

Kivgaqtugaap Sainiutaa: _____

Kivgaqtugaap Atia: _____

Kivgaqtugaap Sainiutaa: _____

Kivgaqtugaap Atia: _____

Kivgaqtugaap Sainiutaa: _____

Kivgaqtugaap Atia: _____

Kivgaqtugaap Sainiutaa: _____

Kivgaqtugaap Atia: _____

Kivgaqtugap Maniliqijutaini Nahautaa:

Sainiqtauyuuq uumanga kivgaqtuqhugit QEC-kut uvani _____ (ublua) uumani
_____ (tatqiqhiunmi) _____(ukiumi)

Sainiutaa: _____

Atia: _____

Turaaqvikhaa: _____